

Namminersorlutik Oqartussat nalunaarutaata iluarsaanneqarnissaa pillugu imeqqutaallat manniinik mannissarniarsinnaaneq pillugu Naalakkersuisut kingusinnerpaamik UPA2027 sumiiffikkaartumik attuumassuteqartunut aalajangiiffigisassaattut siunnersuut. Piffissaq tusarniaaqqullugit annertussusaalu Inatsisartut peqassutsip pigineqaannarnissaa eqqarsaatigalugu Naalakkersuisut aalajangerlugulu aqussavaat.

(Inatsisartunut ilaasortaq Jens NapätôK', Naleraq)

Siullermeerneqarnera

Siulittaasoq Qujanaq.

Siullermik siunnersuuteqartumut Jens NapätôK' Naleqqameersumut, siunnersuutaanut qujanaq.

Ulluinnarni atukkatigut inuiaat imminnut pilersorsinnaanerat, nunamiuppat Immamiuppat piniakkanik allanillu nunap pissarititaanik atorluaanermut pingaarutilinnik saqqummiussaqaarmat.

Minnerunngittumik oqaatigissavara siunnersuutai assigiingittut tullerriaarlutik ingerlaarmata nunatsinnut inuinullu tungasutigut aaqqiinissamik imalu ilorraap tungaanut alloriarnissamik siunnerfillik.

Kalaallit nunatsinni Pinngortitamut atuinitsinnik, Kulturerput aammalu nunatta nammineq pisuussutaanik atuinitsinni aqunneqarneranilu innuttaasut aaliagiinermi peqataatinneqarnissaat pillugu, siunnersuuteqartut aaliagiiffissatut qaqilerpai, inuiaat pissaritanik atorluaanissaat anguniarlugu.

Mannissarsinnaaneq 2001-imi matuneqarsimasup, siunnersuummilu innuttaasut tusarniarneqarnissaat periarfissap aammaanneqarnissaanut periarfissiisussaalluni.

Sumiiffikkaartumik innuttaasut tusarniarneqarnissaat qaqilerneqarpoq, Inuiaat pinngortitami najugaqartut, misilittagaqarluartut pinngortitami piffinni najukkaminni ilisimasaat atorlugit, aalajangiinissamut misissuisoqarnissaa siunnersuuteqartut qaqilerpaa.

Qangaanerusoq 2001 tikillugu kinguaariit imeqqutaallat manniinik katersisarneq naliginnaasumik inuuniarnerminni ilaatissimavaat, siulitta kultur-iminni kinaassutsiminni pinngortitamik atuinerminni, kinguaaminnut ilisimasatik ingerlateqqittarlugit inuusimapput.

Killilersuinerup kinguneranik ilisimasat ullumikkut puigorneqalertutut ipput, Meeqqalluunniit kingulliit manniaqqat Imeqqutaallat mannii ilitsoqqullugit



Nerisarinnngilaat, killilersuineq peqquataalluni.

Eqqaamasassatta ilagivaa aningaasaq kisimi nalilersuinermi atorneqarsinnaanngimmat.

Uanili imminnut pilersorsinnaanermi kiffaangissuseq eqqarsaatigalugu, kinguaanut ingerlatitseqqiineq ileqqoq pitsaasoq, aammalu pinngortitaq ataqqillugu ileqqut pitsaasut ingerlateqqinneqartartut ilutsinni eqqarsaatigalugit eqqartortarpagut.

Ukiuni kingullerni inuussutissat akiisa qaffanneri, sulilu qaffakkiartorneri tamatta malugaagut.

Taamaattumik naapertuuppoq nunatta pinngortitap pissarititai inuiaat atorluassagaat. Ilumoorsinnaangilarmi pisiniarfinni avinngarusimasuniittuni pisiassat akisoqisut, kisiannili aamma pinngortitami immaqami nunamilu piniakkat allallu isiginnaaginnarneqarnissaat killilersuineq piinnarlugu.

Taamaattoqassappat inunniit killilersukkat illersorneqarnerulersimassapput. Inatsisit naapertuunnersut misissuataarnissaat siunnersuuteqartullu tulleriarilluni pissutsinik allannguerusunnera nunaminut uummateqarnini ersersippaa. Kalaallit Nunaat angisoorujussuuvoq.

Kujataani pissutsit Avannaani pissutsinut assigunngillat. Illoqarfinni pissutsit, nunaqarfinni pissutsillu assigiinngillat.

Taamaattumik sumiiffinni pissutsit aammalu sumiiffinni ilisimasaqarneq annertunerusumik pingaartinneqartariaqarput.

Tamanna pillugu siunnersuuteqartup sumiiffinni tusarniaanissamik aallartitsisoqarnissaanik siunnersuuteqarpoq.

Siunertaanngilaq biologit ilisimasaasa sanioqqunneqarnissaat. Siunertaanngilaq timmissat amerlassusaannik illersuinerup sanngiillisarnissaa.

Akerlianilli siunnersuut naapertorlugu Naalakkersuisut ingerlaannassapput piffissaliinermik aammalu annertussusiliinermik aalajangiisarlutik, timmissat piujuarnissaat eqqarsaatigalugu.

Taamaattumik siunnersuut tassaavoq akisussaassuseqartumik oqimaaqatigiissaarineq.

Uumassusilinnik Illersuinerup aammalu periarfissanik atorluanaanissap oqimaaqatigiissaarnissaa, Ilisimatuussutsikkut uumasunik ilisimasaqarneq aammalu sumiiffinni pissutsinut ilisimasaqarnerup akornanni periarfissanik ujartuineq.

Nunatsinnik aqutsinerup aammalu innuttaasunik oqartussaaqataanerup akornanni ukiorpanni killilersuisimanerup massakut nalilerneqarnissaa ilorraap tungaanut aallartoqarsimanersoq takuniarlugu naliliinissaq piffissanngorsimammat.

Naleqqamiit isumaqarpugut aaliagiinissat piffinniit aaliagerneqassasut, imak paasillugu inunnit atuisuniit, inuiaat qulagiinnarlugit aaliagiisoqarnissaa Naleqqamiit politikkerinngilarput, piffinnillu peqataatitsilluni aalajangiisoqarnissaa anguniagaralugu.

Naleqqamiit upperigatsigu ulluinnarni pinngortitamik sumiiffinni atuisuusut aaliageeqataanissaat, tatigalugillu inuiaat nalunatigulu pingaarutilinnik piffinni ilisimasaqarluartuunerat.

Upperaarput Kalaallit Nunaata ineriartortinneqarsinnaanera, kalaallit pissusaannik periuusaannik aallaaveqartariaqartoq.

Naleqqamiit ulluinnarni politikikkut naleqartitagut ersarilluinnartumik allaqqatippagut, malittareqqissaarlugillu ingerlalluta.

Upperaarput sineriatta tamarmi ineriartornissaa pingaaruteqartoq aammalu innuttaasut nunaqarfinni illoqarfinnilu minnerni najugaqartut ulluinnarni inuunerminnut sunniuteqartunik aalajangiinerni peqataatinneqartariaqartut.

Taamaattumik siunnersuut una ima siunertaqarpoq:
Imminut pilersornermi nukittorsaaneq.
Kulturitsinnik ileqqutoqqanillu ataqqinnineq.
Sumiiffinni ilisimasaqartut peqataatinneqarnissai.
Pinngortitamik piujuartitsisumik aqutsinissaq.
Sineriak tamakkerlugu tusaaneqarnissaannik periarfissiineq.

Siulittaasoq:

Issuaalaarpunga Siunnersuuteqartup Jens Napaattuup allagaaniit;
“Kikkut tamarmik nalunngilaat pinngortitaq imminut illersortuusooq, timmissat manniliuleraangamik salunninngortarput aamma pissusissamisoortumik piniarneqarneri millisarlutik. Tamanna aaqqissuusaaaneq pinngortitap nammineq ingerlariaasaaninganneerpoq.”
Issuaaneq naavoq.

Taamaattumik neriuutigaara partiit tamarmik siunnersuut tapersensorumaaraat, Taamaalillutillu periarfissaliissammat timmiaqassutsip misissorneqarnissaa inuiaallu tusarniarneqarnissaannik misissuinissaq ammaanneqassammat, siunissami maleruagassat aalajangerneqartinnagit inuit atuisut tusarniarfigisarnissaat pisariaqavittutut aamma isigaarput.

Naalakkersuisullu periarfissamut misissuisoqarnissaanut tapersiinerat paasilluarparput nuannaarutigalugulu, neriuullutalu misissuinissaq iluatsikkumaartoq.



Kinguneranilu imeqqutaalaqassutsip ajornartorsiunnginnera takutinneqarpat manniinit katersisinnaaneq ammaanegaqqissasoq.

Naleqqamiit siunnersuut Taamak oqaaseqarfigalugu, siunnersuut taamak isikkoqartillugu taperserparput, aappasaaneerneaqarnissanullu innersuullugu.

Qujanaq.